

Kepa Minerrentzat 92. artikulua aldarrikatu dute Hernanin

Gaitz sendaezina duela, eta kalean behar lukeela salatu dute



GARI GARAIALDE

Kepa Miner Txalaka etxera itzuli dezaten eskatu zuten atzo Hernaniko kaleetan.

Jon Ordoñez / **Hernani**

Kepa Minerren osasun kaskarra dela-eta, ehunka lagunek 92. artikulua eskatu zuten harentzat atzo, Hernanin, etxeratu dadin. Eskaera egin ondoren, hilaren 18an epailearen ezetza jaso zuen, eta orain, errekurtsua aurkeztu arren, abokatua nahiko ezkor ageri da. Agian udazkena arte itxaron beharko da, baina Miner hainbeste itxaroteko egoeran ez dagoela salatu zuten atzo.

BI HILABETE iragan dira 92. artikulua eskatu zuenetik, eta orain errekurtsuaren zain dago. Hernanin egindako manifestazioan azaldu zutenek, bere osasun pattala da, espetxean bizi duen egoeraren ondorio. Kepa Minerrek 65 urte ditu, eta azken 15ak espetxean eman ditu. Zigorren hiru laurdenak beteak dituela eta kalean behar lukeela salatu

zuten ehunka lagunek atzo Amnistiaren Aldeko Batzordeak deituriko manifestazioan.

Errekurtsuari aurreko eskakizunari ezetz esan zion epaile berak erantzun beharko dio, eta horregatik abokatua nahiko ezkor ageri da. Ustea betetzen bada, hurrengo pausoa Madrilgo Entzutegi Probintzialera jotzea izango

da. Baina horrek udazkeneko jo dezake, eta Minerrek hainbeste itxaron ezin deza keela esan zuten atzo. Espetxeko apaiza eta guzti omen dago bere osasunagatik kezkatuta. Egoeraren adibide da hilaren 18an autoa berak jaso zuenean, arnas arazoan ondorioz, abokatuari telefonoz irakurtzeko izan zituen zailtasunak dira.

Manifestazioaz gain, Hernanin bere egoera zein den azaltzeko jaiak aprobetxatu dituzte, eta kamisetak atera «Txalaka 92. artikulua orain. Etxera» lelopean. Gainera Alcalako bere kideek ere itxialdi mugagabe bat hasi dute 92. artikulua eman diezaioten.

Murillo errefuxiatuaren estradizio auziaren epaia abuztuaren 10era atzeratu da

■ *Espainiak egin beharreko tramiteek atzeratu dute epailearen erabakia*

Erredakzioa / **Donostia**

ESTEBAN MURILLO errefuxiatuaren estradizio auzia ekainaren 15ean izan zen Holandan, Haarlem hirian, eta epaia atzo kaleratzekoa zen. Epaileak baina, atzeratu egin du erabakia abuztuaren 10era arte. Izan ere fiskaltzak bi dokumentu aurkeztu behar zituen, baina agiri horiek Espainiak tramitatu

behar ditu eta oraindik ez ditu tramiteak abiatu.

Ekainean epaiketa egin zenean Murilloren defentsak Espainiak eginiko estradizio eskaera bertan behera uzteko eskatu zuten Murilloren kontrako inputazioak bi presok torturapean eginiko deklarazioak zirela esanez. Halaber Murillori egozten dizkioten gertaerengatik bere kontrako akusazioa talde armatuari

laguntza ematearen litzatekeela diote abokatuak, eta preskribituta legokeela. Akusazioa, ordea talde armatuko kide izatearena da.

Murillo hainbat urtez Mexikon bizitu zen eta aurtengo urtarilaren 8an Europara itzultzean Amsterdango aireportuan atxilotu zuten. AABek Espainiaren jarrera salatu zuten atzo, erabakia atzeratzea eragin duelako.

Bakegintzari ekiteko eskatu dute Komunitate Kristauek

■ *Presoen hurbilpenak gatazka humanizatuko lukeela uste dute*

Erredakzioa / **Bilbo**

XXI. mendearen atarian «Euskal Herrian zabaldu diren haize berriek aurreikuspen bikaina dira konbentzientiarako eta herrien arteko harreman egokirako». Uste horrekin Euskal Herria eta Espainiako Komunitate Kristau Herri-tarrek dei egin diote euskal gizarteari lagundu egin dezan egungo igaropidea «justizia, askatasuna, anai-tasuna eta bake iraunkorreko eszenatoki batean amai dadin».

Ikuspegi horretatik, dei egin diete instituzio, alderdi politiko, botere talde eta

komunikabideei «ez ditza-ten zapuztu zabalduetako ikusminak». Komunitate kristau horien aburuz, «preso guztiak jatorrira hurbiltzea gatazka gizatiarrago egiteko urrats garrantzitsu» litzateke.

Bide horrek arriskuak dituela aitortu arren, herri-tarren nahiak gauzatuko direnaren itxaropena azaldu zuten bost puntuko idazki batean. «Gauzek etorkizun hurbilean har dezaketen norabide berria eskeptiko eta izutu bitartean begiratzen dutenei gonbidapena egiten diegu etorkizunaren eraikuntzan parte har dezaten»

Espetxe politika eskuzabala eskatu du Arartekoak

■ *«Mingarri eta itxaropentsutat» jo du 1998. urtea*

Efe / **Gasteiz**

XABIER MARKIEGI arartekoak atzo egin zuen Legebiltzarraren aurrean agerraldia, urteroko txostena agertzeko. Bertan, EAEn oinarritzko eskubideak errespetatzen direla azpimarratu zuen, eta gainera, espetxe politikan «jarrera ireki eta eskuzabala» izan dezala eskatu zion arartekoak Espainiako Gobernuari.

Markiegik, iazko urtea

«mingarria», baina era berean «itxaropentsua» izan zela aipatu zuen; mingarria, orain urtebete arte izandako atentatuengatik eta itxaropentsua, ETAren su-ete-nagatik. Orain garrantzitsuen «bake egoera behin-betikoa bilakatzea» dela esan zuen Markiegik. Bere ustez, egungo egoera Madrilgo agintariak susper-tu behar lukete, eman den aldaketarekiko sentsibilitatea azalduko duten neurriak hartuz.

Presoen Espainiaratzeak salatu ditu CDDHPBk

■ *Europa bertze molde batean eraikitzeko eskaera egin die Frantzia eta Espainiari*

Erredakzioa / **Baiona**

IPARRALDEKO Giza Eskubideen Babes Elkarteak, Frantzia eta Espainiak «legez kanpoko kanporaketa bidez Europa eraikitzeko duten molde berezia alde batera uzteko» eskaera egin du, Europar hauteskunde bezperan Pilar Mondragon eta Garbiñe Gomez poliziatik poliziara emanak izan zirela oroitarazirik.

«Nazioarteko legeria errespetatu gabe, ETA eta

Espainiar Gobernuaren arteko kontaktu ofizialari kasurik egin gabe, ezinbestekoa den bake keinua egin dezan erregutuzen diogu Frantziar Gobernuari» adierazi du elkarteak. Serafin Blancok heldu den abuztuaren 26 Espainiaratua izateko arriskua du oraino.

Gisa berean, Amiensengo itzuli asinatu berri duten Arantxa Sasiain errefuxiatuari Euskal Herrian bizitzeko eskubidea onar diezaioten ere galdegina du.